

鹿巖鄉土志



光緒丙午新鐫

鄉土志

京師官  
書局印



軍機處存記東鹿縣知縣張鳳臺督修鄉土志工竣分呈各憲

### 原稟

敬稟者竊卑職卷查光緒三十一年六月二十三日奉

各憲札開光緒三十一年四月二十八日准

京都編書局監督咨開查初等小學堂章程歷史輿圖格致三科均就鄉土編科講授用意至爲精善并編成例目發交各府廳州縣擇士紳博學能文者按例攷查依目采錄自奉文日始限一年成書由各地方官逕將清冊郵寄京師編書局一面錄副詳報本省督撫以免轉折遲延等因奉此除移行外合行札飭札到即便查照集紳商辦計粘抄單并發例目四本各等因蒙此遵卽與勸學所焦總董煥桐公務局紳董王茂材丹桂高

### 東鹿鄉土志

京師官書局刷印

茂材殿桂安速商辦據稱邑乘自李縣尊符清續修後迄今百餘年矣中間河道之變遷兵戎之擾攘烈婦義勇之勁節名儒循吏之徽光滄桑遞嬗書缺有間街談巷議言人人殊若但憑舊志之遺文與流俗人之傳說終不足以垂實錄而餉後生計惟有選三五讀書能文之士攷古證今身經目覩庶足以資徵信而祛舛訛卑職察紳等所言不爲無見迺於公務局後院打掃閒軒延集一時文人學士適館授餐左圖右史共硯切磨除搜採本邑暨各鄰封志乘外其餘如世家望族之藏書逸士鄉賢之雜著靡不旁搜博採纂要鈎元故卽顏其額曰編輯精廬俾顧名思義毋遺毋濫卑職公餘之暇亦嘗親詣其軒與該紳等討論體裁諄諄以博而能雅簡而能賅相規勉其膺斯選者

時則有若王君際雲任君聯珠楊君鳳岐林君朝鳳李君遂司  
採訪也簪筆負囊分赴鄉村如輜軒探風故事某山某水某草  
某木某古蹟某鄉俗凡例應採輯者必得之於心而後筆之於  
書時則有李孝廉中桂馬孝廉際瀛尙茂材槐音魏茂材錫綸  
李茂材允恭耿茂材觀光司編輯也就採訪諸君所筭記點竄  
塗改參以經史之文證以古今之異分門別類各盡所長列表  
繪圖務求其精自去年九月開辦四越月告竣適庶吉士李公  
渠年假旋里復請其詳加釐訂以綜其成然後遣善書者分行  
鈔錄集成卷帙卑職才淺學疏忝膺繁劇加以新政稠疊益形  
荒殖幸賴此邦士大夫文明素著才擅操觚依例編撰逐漸成  
書卑職展閱數過尙與體例相符用特敘列銜名以表諸君子

東鹿鄉土志

二

京師官書局刷印

編輯之苦衷應如何刪潤之處伏乞

憲裁所有卑職縣鄉土志編輯工竣緣由理合繕呈

鑒核再此志業經遵錄清本郵寄京師

編書局合併聲明肅此敬請

助安伏乞

垂鑒

右 稟

督 藩 學 各 憲 暨 編 書 局

編輯鄉土志紳士姓名

總校

翰林院庶吉士

李渠

襄訂

內閣中書銜舉人

焦煥桐

五品頂戴廩生

王丹桂

五品頂戴廩生

高殿桂

編纂

舉人

李中桂

舉人

馬際瀛

廩生

尙槐音

東鹿鄉土志

三

京師官書局刷印

附生

魏錫綸

附生

李允恭

附生

耿觀光

採訪

附生

王際雲

附生

任聯珠

附生

楊鳳岐

附生

林朝鳳

廩生

李遂

弁言

誌者記也從言從志呂覽注謂志記之言也馬遷曰書蔡邕曰意華嶠曰典張勃曰錄何法盛曰說名稱雖異體例不殊兩漢諸志史家濫觴後代多宗之外此若漁仲通志元和郡縣志元豐九域志率皆翔礪博洽非幼學所宜而各府州縣志又或煩瑣不盡適於用自泰西哥米紐斯氏創議以鄉土誌爲急務羅梭氏賡續行之喀羅列特爾益發揮其義而盛於克勒拉烏列谷模潘勒諸人皆按學齡分年教授意至善也然汝貉淮橘遷地弗良棄劣從優天擇有例茲略師其意而體裁稍變分爲鄉土歷史鄉土地理兩門餘皆類附於中俾生斯土者卽耳目熟習之事以動其感情而漸增後此之學識其亦登高自卑行遠自邇之一助也乎

歷史

歷代建置沿革攷

東鹿鄉土志第一

東鹿在唐虞三代為冀州大陸之域杜佑以邢趙深三州地當之元和志謂大陸澤在鹿城南陸鹿古通用後代更明所由昉但圖志無徵未能詳析其分域亦一疏也春秋時不見傳記惟昭二十二年晉荀吳略東陽馬季長謂晉地自朝歌北至中山為東陽而史記趙武靈王略中山地至寧葭寧葭今深州境在舊縣城東中山即春秋鮮虞地晉滅鮮虞有其地故畿輔通志謂屬於晉至魏獻子田於大陸酈道元以為即吳澤引魏土地記地在脩武城西異所同名不可據為今地戰國時則分於趙據國策蘇秦云趙地西有常山南有河漳東有清河北有燕國

東鹿鄉土志

歷史

五

京師官書局刷印

蘇厲亦云趙國前漳滏右常山左河間北代國然漢書平帝紀罷安定呼池池即苑師古注云屬中山而趙策亦云趙攻中山以擅呼沱循斯言之是戰國時初屬中山後屬於趙秦變封建為郡縣至漢置安定貫鄠三縣又置樂信侯國皆屬鉅鹿郡置西梁侯國屬信都國平帝時罷安定為安民縣當時建縣名稱實繁其地皆羸出於境內而其故城則散見於水經注唐通典寰宇記等書後漢省樂信西梁改鄠作鄠省安定貫縣入之道元注斯浚水東經育城北又東積為陂謂之陽糜淵育城即貫城之譌鄠即鄠或作鄠或誤作鄠水經注引竹書秦封衛鞅於鄠以實之趙氏一清曾辨其謬知師古注漢地志謂王莽改鄠為秦聚亦其誤也三國史無地志其立郡雖間見於帝紀而置

縣不詳洪氏亮吉采漢晉二書補輯之約與晉志無異晉以鄆縣屬趙國後魏曰鄆鄆卽鄆屬鉅鹿郡魏書地形篇云鄆有黃邱方輿紀要謂卽冉閔遣將禦後趙石琨處也北齊改曰安國隋開皇六年改爲安定十六年又置晏城十八年改安定爲鹿城大業初晏城廢入而鹿城愈著隋地志屬信都郡注云舊曰郡後齊改爲安國是鹿城卽安國而卽鄆也唐初置鉅鹿郡武德時改爲廉州鹿城隸焉貞觀初廢廉州以鹿城隸深州十七年州廢屬冀州先天時割鹿城屬深州又析饒陽鹿城置陸澤縣並隸深州攷舊唐地志東鹿隸深州注云漢安定侯國唐至德六年改爲東鹿新唐地志深州饒陽郡領東鹿縣注云本鹿城天寶十五載更名寰宇記謂至德元年改爲東鹿屬鎮州說

雖兩歧而東鹿之名要自唐始五代時周韓通城東鹿見歐公新史輿地廣記云屬眞定國宋初改隸鎮州淳化時改屬眞定隸深州見於元豐九域志金史河北東路上刺史宋饒陽防禦國初爲刺郡統縣五二曰東鹿元至元初立附郭蒲陰縣及以東鹿深澤來屬蒲陰卽祁州名始於宋金於縣置祁州元仍宋舊名至元十二年改順天路爲保定路領祁易等七州是東鹿隸祁州屬保定自元始也明時仍元之舊天啓二年舊城因滹沱溢沒移治圈頭市卽今新城我

朝開國之初沿明舊制雍正十二年始不隸祁州統於保定府蓋自前漢言之曰安定曰鄆曰貫曰樂信曰西梁曰安民至後漢則省併於鄆晉魏因之北齊與隋易其名而仍因其地唐號東

鹿以後至今不改惟隸屬不一迨雍正時屬保正賡續不易此  
建置沿革之略也

東鹿鄉土志

歷史

七

京師官書局刷印



鄒班表建昭  
元年封梁敬  
王子平賞鄉  
侯又功臣表  
高祖六年封  
齊侯合傅胡  
害於賞史表  
作齊侯呂案  
水經注賞城  
漢高帝封呂  
博爲侯國趙  
釋云史表賞  
齊侯呂徐廣  
曰呂亦作台  
漢表齊侯合  
傅胡害是侯  
不姓呂注云  
呂博疑字近  
合傳  
西梁侯國  
前漢屬信都


國班表宣帝  
封廣川戴王  
子關兵西梁  
侯國後漢省  
案寰宇記東  
鹿縣本漢西  
梁縣地屬鉅  
鹿郡縣南六  
十里有西梁  
城尙存郡國  
縣道記西梁  
故城一名伍  
梁城後漢併  
扶柳縣通考  
云西梁扶柳  
并屬信都  
樂信侯國  
前漢屬鉅鹿  
郡宣帝時封  
廣川繆王子  
強樂信侯國  
後漢省

東鹿鄉土志

歷史

八年改年改爲  
曰鹿城東鹿新  
取縣東唐書地  
故鹿城志東鹿  
爲名改屬深州  
屬冀州饒陽郡  
案通鑑注云本  
唐桑顯鹿城天  
和擊劉寶十五  
黑闥於載更名  
晏城地輿地廣  
理今釋記亦云  
謂東鹿天寶十  
地是晏五載改  
城唐時曰東鹿  
尙有案更名  
說不同  
而東鹿  
之名要  
自唐始

初置饒  
陽郡防  
禦治靜  
安靖康  
後陷於  
金



政績錄

東鹿鄉土志第二

鹿巖之地漢時多封國主斯土者軼事無徵隋唐改縣後邑侯政績又多不傳謹就事實可憑者斷自金始分門選錄以資採擇

韓志金天會二年知縣事時兵燹之後人民凋敝絃誦俱廢公下車拊循周恤窮黎復業者數千戶又留心庠序優禮儒生以勵士氣故遺記稱其有文翁化蜀風

程述藁城人元至正十四年知縣事有清操勤於吏治胥役不敢爲奸興學勸農民愛之如父母去之日囊橐蕭然

高楫字濟川山西保德州人明永樂三年知縣事均徭役平賦稅捕盜賊以靖四方憂文風不振興起學校激揚士氣邑之科

東鹿鄉土志

政績錄

十

京師官書局刷印

名相望人材輩出皆其有以啓之也

閻濟字惠民山西忻州舉人正德九年知縣事嚴毅果斷摘奸發伏人頌神明壇壝廢缺以時整理補城垣葺倉廩捐俸爲之不累閭閻

劉崑字西來江西南昌進士康熙七年知縣事修黌序獎勵諸生城垣傾圮捐俸增修緝盜賊奸宄斂迹又以邑乘殘缺百十年文獻無徵延名儒分門蒐討勒成完書

查克建浙江海甯進士康熙四十一年知縣事學問淹博下車後獎勵人才多所成就施學田地十餘畝爲學費親課農桑鄉愚化之又明於聽斷有疑獄片言折之無不服闔邑爲立生祠於城東北隅春秋祀之

王天慶福建晉江附監乾隆元年知縣事甫下車見書院傾頽亟爲整理敦延名師絃誦聲徧學舍焉添建文昌宮以培文風創建養濟院留養局俾鰥寡孤獨不至失所重新城隍廟以肅觀瞻四年請帑補築城垣護城河隄植柳二千餘株且長於聽斷人不能欺訟徒斂迹人皆德之

陳文合廣東澄海舉人乾隆十年知縣事首重學校補修文廟創建明倫堂敬一亭尊經閣並東西兩學官廨舉廢修墜政治一新

李文耀字金章福建清流拔貢乾隆二十二年知縣事時溇沱泛溢四境瀰漫因鑄俸鳩工首築城垣資保障並多開渠以殺水勢是年河由故道徙甯晉入滄葺書院及常平倉義倉養濟

院留養局教養之政一時畢舉邑乘一書自前邑侯劉崑續修至是幾百年公補輯之文獻賴以不墜

蔡廷斗浙江仁和監生乾隆三十三年知縣事操守清潔一絲不擾閭閻邑舊繫土城半傾圮公詳請修理易以甌雉堞巍然羣資保障

李符清廣東合浦舉人三知縣事

乾隆五十三年初任五十九年再任嘉慶四年三任修

葺學宮捐建書院撥田畝助膏火延名師主講文風丕振邑乘殘缺徵古採今勒輯成書百廢具興至今藉藉人口

汪彤程字笏山江蘇贛榆進士同治十一年知縣事縣舊時書院已蕪廢卽故址建號舍講堂棹橙器具躬親督造延名師勤督課一時文風復振

李國賡字颺軒河南光山進士光緒五年知縣事愛民如子詞訟立判理服情感不事敲扑捐俸金校士規模粗定遽以疾終百姓哭送數里立德政碑於署側

### 右興利

黃子嘉福建莆田人明正統八年知縣事時承平久武備廢弛己巳之變額森由京師縱兵南掠突至城下衆欲棄城去公慨然曰吾爲天子守土吏城存與存城亡與亡去將安適披誠勵衆誓死登陴完雉堞修戰具城賴以全

崔廷槐山東平度州進士嘉靖十四年知縣事時淳沱爲患公築隄防開溝洫河流順軌泛濫無虞去之日民立碑紀德政焉李華魯河南祥符進士嘉靖間知縣事甫下車見城垣傾圮不

足資捍禦請於撫按增修之癸丑夏淳沱泛溢隄決水圍城不能入未雨綢繆人皆頌公之功

蘇祐字允吉山東濮州進士嘉靖間知縣事邑多囚繫公下車一日釋數百人次日革罷徭車三十輛次日有詔召去邑人歌之曰三日官府百年父母

楊琦字濰水山東濰縣進士崇禎間知縣事縣東南接壤深冀故盜藪捕受盜賄遣捕卽密與盜通兵至則遁去則復出鄉人有獲賊者賊反噬之眞僞莫辨以故人畏賊不畏法公廉得其弊曉以獲賊者宥死罪獲賊多者賞於是捕得二百餘人衆皆逃竄民賴以安時城池初創不足恃公修雉堞濬重濠又置大礮數百積鉛子火藥分藏城樓守備完具在任數年卒於官哭

送者數千人塵市幾空

李夢蓮貴州綏陽舉人乾隆四十二年知縣事時溇沱泛溢水入城造運水車晝夜督工水盡退民賴以全

錫桂咸豐元年知縣事時溇沱暴漲水幾入城公經營防堵與民同畚鍤居城外者十晝夜水退民咸感頌

吳履泰河南光州附貢咸豐間兩知縣事九年初任十一年再任先後經

婁占奎張錫珠等之亂練勇殺賊匪蹤悉滅

陶雲錦江蘇吳縣人同治三年知縣事時梟捻爲亂鑄造銃礮補修城垣戰守有資寇患遂除

銘峻字仲山成都駐防光緒二十六年知縣事時位伯舊城洋兵初過土匪竊發民惶恐日夕驚擾抵任亟安撫之嚴緝土匪

### 束鹿鄉土志

政績錄

十三

京師官書局刷印

調停民教縣境始安次年調他邑去之日百姓攀轅塞道至不得行

### 右去害

盛庸字時望無錫進士前明御史天順中降束邑令時徭役苦不均爲立九則法繼者莫能易母憂去服除民相率詣闕乞還益不用鞭扑訟者諭以理輒叩頭不復辯有田氏兄弟爭財十年不決公諷以古人兄弟之義曰爾曹以古人待我今爾兄弟反不如古人何也二人感悟相讓而罷鄰邑聞風亦多來質成片言折之各厭心去郊外有一地爭來築室居之因成村落土人名曰清官店迄今村北專祠尙存

### 右聽訟

前錄政績自金以下凡二十四人事取相類而不以年分茲特編分年代將歷任職官姓氏列表如左

金代 元代 明代 國朝

天會年任 至正年任 永樂年任 康熙年任

韓志 程述 高楫 劉崑

正統年任 正統年任 乾隆年任

黃子嘉 查克建

天順年任 王天慶

盛庸 陳文合

正德年任 李文耀

閻濟 蔡廷斗

嘉靖年任 李夢蓮

崔廷槐

東鹿鄉土志

政績錄

十四

京師官書局刷印

李華魯 李符清

蘇佑 咸豐年任

崇禎年任 錫桂

楊琦 吳履泰

同治年任

陶雲錦

汪彤程

光緒年任

李國賡

銘峻